



01 AUG, 2024

Sindiket seludup tembakau tumpas

Sinar Harian, Malaysia



Page 1 of 2



Barang seludup dipercayai dibawa masuk menggunakan sampan atau bot ke pangkalan haram yang terdapat di Sungai Golok sebelum diangkut menggunakan lori.

Sindiket seludup tembakau tumpas

Dua suspek ditahan, 398 bungkus tembakau kering dirampas

Oleh HAZELEN LIANA KAMARUDIN
KOTA BHARU

Jabatan Kastam Diraja Malaysia (JKDM) Kelantan berjaya mematahkan penyeludupan tembakau terbesar di Malaysia yang dibawa masuk dari negara jiran melalui Sungai Golok di Jalan Machang-Jeli di Jeli pada 24 Julai lalu.

Dalam serbuan pada jam 11 malam itu, dua suspek berusia 30-an turut ditahan bersama 398 bungkus tembakau kering seberat 3,980 kilogram (kg).

Pengarahnya, Wan Jamal Abdul Salam Wan Long berkata, nilai rampasan tersebut dianggarkan berjumlah RM59,700 yang melibatkan duti dan cukai sebanyak RM253,491.18.

"Modus operandi penyeludupan ini ialah barangan tersebut dipercayai dibawa masuk menggunakan sampan atau bot ke pangkalan haram yang terdapat di Sungai Golok kemudian diangkut menggunakan lori untuk pasaran tempatan.

"Siasatan awal kami mendapati tembakau kering ini akan dihantar ke Perak, di mana dipercayai untuk



Wan Jamal Abdul Salam (kiri) menunjukkan sebahagian daripada tembakau kering dibawa masuk dari negara jiran yang berjaya dirampas.

dipasarkan ke kilang rokok yang terdapat di sana," katanya kepada pemberita ketika sidang akhbar di Pejabat JKDM Kelantan di sini pada Rabu.

Beliau berkata, penyeludup melakukan kegiatannya pada sebelah malam dan menggunakan pangkalan haram yang kurang aktif bagi me-

ngaburi mata pihak berkuasa.

Beliau berkata, hasil siasatan juga mendapati kedua-dua suspek terbabit dibayar upah RM100 setiap seorang untuk melakukan penghantaran tersebut.

Wan Jamal Abdul Salam memberitahu, kes tersebut disiasat bawah Seksyen 135(1)(e) Akta Kastam 1967.



01 AUG, 2024

Sindiket seludup tembakau tumpas

Sinar Harian, Malaysia



SUMMARIES

Dua suspek ditahan, 398 bungkusan tembakau kering dirampas

Jabatan Kastam Diraja Malaysia (JKDM) Kelantan berjaya mematahkan penyeludupan tembakau terbesar di Malaysia yang dibawa masuk dari negara jiran melalui Sungai Golok di Jalan Machang-Jeli di Jeli pada 24 Julai lalu. Dalam serbuan pada jam 11 malam itu, dua suspek berusia 30-an turut ditahan bersama 398 bungkusan tembakau kering seberat 3,980 kilogram (kg).